



Ruj. Kami : JHEAIPP.PMS. 100-1/9/2 (5)

Tarikh : 19 Syawal 1442H

31 Mei 2021M

Semua Pengerusi Kariah Masjid
Negeri Pulau Pinang

Semua Pengerusi Masjid Ghair Jamek
Negeri Pulau Pinang

Semua Pengerusi Surau Jumaat
Negeri Pulau Pinang

Semua Pengerusi Surau
Negeri Pulau Pinang

YBhg. Tan Sri / Dato' / Tuan,

**PEKELILING PELAKSANAAN AKTIVITI MASJID DAN SURAU
NEGERI PULAU PINANG SEPANJANG TEMPOH PERINTAH
KAWALAN PERGERAKAN (PKP) 3.0 (PENUTUPAN SEKTOR
SOSIAL DAN EKONOMI) FASA 1.**

Dengan hormatnya saya merujuk perkara di atas.

2. Jabatan ini telah mengambil maklum mengenai Kenyataan Media Pejabat Perdana Menteri pada 28 Mei 2021 melalui Sidang Khas Majlis Keselamatan Negara Mengenai Pengurusan Covid-19 yang telah membuat keputusan untuk melaksanakan penutupan penuh sektor sosial dan ekonomi atau “total lockdown” Fasa 1 di seluruh Negara bagi tempoh 14 hari bermula dari 1 Jun 2021 hingga 14 Jun 2021.

3. Sehubungan itu, Jabatan ini melalui perbincangan khas bersama YB Dato' Ir, Haji Ahmad Zakiyuddin bin Abdul Rahman, Timbalan Ketua Menteri 1 Pulau Pinang dan mengambil kira pandangan Sahibus Samahah Dato' Seri Dr. Haji Wan Salim bin Wan Mohd. Noor,

Mufti Kerajaan Negeri Pulau Pinang pada 31 Mei 2021 memutuskan seperti berikut:

- i. Memberikan kebenaran pelaksanaan solat Jumaat di semua masjid dan surau Jumaat Negeri Pulau Pinang kepada Jawatankuasa Kariah Masjid/Surau Jumaat, Pegawai Masjid/Surau Jumaat, Siak atau Ahli kariah dengan kadar bilangan hendaklah tidak melebihi lima belas (15) orang dengan mengambil kira penjarakan fizikal sekurang-kurangnya satu (1) meter
 - ii. Memberikan kebenaran pelaksanaan solat fardu berjemaah di masjid / surau Negeri Pulau Pinang kepada Jawatankuasa Kariah Masjid / Surau, Pegawai Masjid/ surau dan Siak sahaja dengan kadar bilangan maksimum lima belas (15) orang Jemaah.
 - iii. Memberikan kebenaran pelaksanaan solat jenazah bukan Covid-19 di masjid dan surau. Namun aktiviti ziarah kubur tidak dibenarkan.
 - iv. Memberikan kebenaran penggunaan ruang solat musafir di masjid dan surau.
 - v. Memberikan kebenaran hanya kepada aktiviti ceramah dan kuliah pengajian secara atas talian (*online*) sahaja. Manakala semua aktiviti pengimaran dan aktiviti sosial secara bersemuka adalah tidak dibenarkan.
4. Pihak YBhg. Tan Sri / Dato' / Tuan hendaklah mematuhi arahan di atas dan juga memastikan bahawa semua ahli kariah masing-masing mendapat maklumat semasa dan turut mematuohnya. Bersama ini juga disertakan Garis Panduan Tatacara Aktiviti Keagamaan Di Masjid Dan Surau Seluruh Negeri Pulau Pinang Dalam Tempoh Perintah Kawalan Pergerakan (PKP) 3.0 (Penutupan Sektor Sosial dan Ekonomi) Fasa 1 seperti di **Lampiran A**.
5. Arahan pelaksanaan aktiviti masjid dan surau ini akan dikeluarkan dari semasa ke semasa secara berperingkat tertakluk kepada situasi perkembangan terkini wabak Covid-19 serta atas nasihat Kementerian

Kesihatan Malaysia (KKM) dan Majlis Keselamatan Negara (MKN). Sama-sama kita membantu Kerajaan Malaysia dalam usaha mengekang penularan Wabak Covid-19.

Perhatian dan kerjasama YBhg. Tan Sri / Dato' / Tuan mengenai perkara ini adalah amat dihargai dan didahului dengan ucapan terima kasih.

Sekian.

"PRIHATIN RAKYAT : DARURAT MEMERANGI COVID – 19"

"CEKAP, AKAUNTABILITI, TELUS"

"BERKHIDMAT UNTUK NEGARA"

Saya yang menjalankan amanah,

(MOHD ZAKUAN BIN HAJI ZAKARIA)

Pengarah

Jabatan Hal Ehwal Agama Islam Pulau Pinang

Lampiran A



**GARIS PANDUAN
TATACARA AKTIVITI KEAGAMAAN DI MASJID
DAN SURAU SELURUH NEGERI PULAU PINANG
DALAM TEMPOH PERINTAH KAWALAN
PERGERAKAN (PKP) 3.0 (PENUTUPAN PENUH
SEKTOR SOSIAL DAN EKONOMI).
FASA 1.**

JABATAN HAL EHWAL AGAMA ISLAM PULAU PINANG

GARIS PANDUAN TATACARA AKTIVITI KEAGAMAAN DI MASJID DAN SURAU DALAM TEMPOH PERINTAH KAWALAN PERGERAKAN (PKP) 3.0 (PENUTUPAN PENUH SEKTOR SOSIAL DAN EKONOMI) FASA 1

1. TUJUAN

- 1.1 Garis Panduan ini bertujuan sebagai panduan dan rujukan kepada semua pihak yang terlibat dalam pengurusan dan perkhidmatan Masjid / Surau seluruh Negeri Pulau Pinang mengenai tatacara aktiviti keagamaan di Masjid / Surau **bagi tempoh Perintah Kawalan Pergerakan (PKP) 3.0 (Penutupan penuh sektor sosial dan ekonomi) Fasa 1.** Ia berikutan Kenyataan Media Pejabat Perdana Menteri pada 28 Mei 2021 melalui Sidang Khas Majlis Keselamatan Negara Mengenai Pengurusan Covid-19 yang telah membuat keputusan untuk melaksanakan penutupan penuh sektor sosial dan ekonomi atau “*total lockdown*” Fasa 1 di seluruh Negara bagi tempoh 14 hari bermula dari 1 Jun 2021 hingga 14 Jun 2021.

- 1.2 Garis Panduan ini pastinya bertujuan untuk mengurangkan risiko penularan wabak penyakit yang dilihat semakin serius, menetapkan langkah-langkah pencegahan dan keselamatan bagi memastikan kesihatan awam tidak terjejas terutamanya dalam kalangan jemaah yang hadir ke Masjid / Surau. Sebagai makluman, sejak 25 November 2020 sehingga kini, terdapat

sebanyak lapan belas (18) buah masjid / surau di negeri Pulau Pinang telah ditutup akibat penularan wabak ini.

2. PELAKSANAAN PROSEDUR SOLAT JUMAAT

2.1 BILANGAN JEMAAH YANG DIBENARKAN

- a) Kadar bilangan jemaah yang ditetapkan adalah **tidak melebihi lima belas (15) orang bagi semua masjid dan surau Jumaat di seluruh negeri Pulau Pinang** dengan mengambil kira penjarakan fizikal sekurang-kurangnya satu (1) meter;
- b) Jemaah hendaklah **berstatus warganegara Malaysia dan Pemastautin Tetap** sahaja yang terdiri daripada Jawatankuasa Kariah Masjid / Surau Jumaat, Pegawai Masjid / Surau Jumaat, Siak atau Ahli Kariah yang ditentukan;
- c) Mekanisme pemilihan jemaah akan **ditentukan oleh Jawatankuasa Kariah Masjid / Surau Jumaat** dengan mengambil kira lokaliti setempat dan penggiliran dalam sesuatu kariah. Senarai jemaah terpilih yang mengandungi maklumat nama, alamat dan nombor telefon hendaklah didaftarkan di dalam rekod kehadiran dan juga dimaklumkan secara rasmi melalui medium yang bersesuaian dan praktikal kepada jemaah selewat-

- lewatnya satu (1) hari sebelum pelaksanaan solat Jumaat. Jemaah yang tidak terpilih dan tidak menerima makluman rasmi perlu akur kepada pemilihan dan penggiliran yang ditetapkan;
- d) Bagi Masjid yang terletak di sekitar George Town, Pulau Pinang yang tiada atau kurang ahli kariah tetap, jemaah boleh dipilih dalam kalangan jemaah setempat melalui pendaftaran awal ; dan
 - e) Ahli Kariah terpilih hendaklah berusia **15 tahun hingga 70 tahun** sahaja. Bagi Jemaah yang berumur 71 tahun dan ke atas yang sihat boleh melaksanakan solat Jumaat tetapi tidak digalakkan. Jawatankuasa Kariah, Pegawai Masjid / Surau Jumaat dan Siak yang berusia 70 tahun dan ke atas yang sihat dan tidak bergejala adalah dibenarkan untuk hadir bertugas dan melaksanakan solat Jumaat.

2.2 KAE DAH PELAKSANAAN SOLAT JUMAAT

- a) Pembesar suara luar **hanya digunakan untuk azan dan iqamah sahaja**. Bagi aktiviti khutbah dan solat Jumaat, hanya dibenar untuk menggunakan pembesar suara dalam sahaja;
- b) Pelaksanaan **lafaz azan** adalah mengikut **Irsyad Hukum Panduan Azan Untuk Pelaksanaan Solat Jumaat di**

Masjid / Surau Jumaat Semasa Tempoh Perintah Kawalan Pergerakan Bersyarat (PKPB) yang dikeluarkan oleh Jabatan Mufti Negeri Pulau Pinang bertarikh 19 Mei 2020 seperti di Lampiran B;

- c) **Imam dan Khatib Jemputan adalah tidak dibenarkan untuk memimpin solat dan menyampaikan khutbah Jumaat. Tanggungjawab ini adalah terletak kepada imam yang dilantik oleh Majlis Agama Islam Negeri Pulau Pinang sahaja;**
- d) **Khutbah Jumaat hendaklah diringkaskan dan hanya menggunakan teks khutbah yang disediakan oleh Jabatan Hal Ehwal Agama Islam Pulau Pinang sahaja;**
- e) Imam hendaklah membaca **surah atau ayat yang pendek** ketika solat serta meringkaskan zikir dan doa dengan kadar tempoh keseluruhan solat Jumaat adalah 10 minit; dan
- f) Ahli kariah yang tidak melaksanakan solat Jumaat di Masjid / Surau Jumaat bolehlah **melaksanakan solat fardhu Zohor di rumah masing-masing.**

3. PELAKSANAAN PROSEDUR SOLAT FARDHU BERJEMAAH

3.1 BILANGAN JEMAAH YANG DIBENARKAN

- a) Kadar bilangan jemaah yang ditetapkan adalah **tidak melebihi lima belas (15) orang bagi semua masjid / surau di seluruh negeri Pulau Pinang** dengan mengambil kira penjarakan fizikal sekurang-kurangnya satu (1) meter;
- b) Jemaah hendaklah **berstatus warganegara Malaysia dan Pemastautin Tetap** sahaja yang terdiri daripada Jawatankuasa Kariah Masjid / Surau, Pegawai Masjid / Surau dan Siak sahaja; dan
- c) Jemaah hendaklah **berusia 15 tahun hingga 70 tahun sahaja**. Bagi jemaah yang berumur 71 tahun dan ke atas yang sihat boleh melaksanakan solat tetapi tidak digalakkan.

3.2 KAEDAH PELAKSANAAN SOLAT FARDHU BERJEMAAH

- a) Pembesar suara luar hanya digunakan untuk azan dan iqamah sahaja;
- b) Pelaksanaan **lafaz azan** adalah mengikut **Irsyad Hukum Panduan Azan Untuk Pelaksanaan Solat Jumaat di Masjid / Surau Jumaat Semasa Tempoh Perintah Kawalan Pergerakan Bersyarat (PKPB)** yang

dikeluarkan oleh Jabatan Mufti Negeri Pulau Pinang bertarikh 19 Mei 2020 seperti di **Lampiran B**; dan

- c) Imam hendaklah membaca surah atau ayat yang pendek ketika solat serta meringkaskan zikir dan doa dengan kadar tempoh keseluruhan solat adalah 20 minit.

4. PELAKSANAAN SOLAT JENAZAH BUKAN COVID-19

- 4.1 Dibenarkan kepada **warganegara Malaysia dan Pemastautin Tetap sahaja**;
- 4.2 Jemaah solat jenazah yang ditetapkan adalah **tidak melebihi lima belas (15) orang** yang terdiri daripada **imam, ahli jawatankuasa Masjid / Surau dan ahli keluarga terdekat (ibu, bapa, suami/isteri, saudara kandung dan anak kandung si mati)** dengan mengambil kira penjarakan fizikal sekurang-kurangnya satu (1) meter.
- 4.3 Bagi tujuan urusan pengkebumian, jumlah kehadiran yang dibenarkan adalah **tidak melebihi lima belas (15) orang sahaja**; dan
- 4.4 Aktiviti ziarah kubur selepas urusan pengkebumian adalah **tidak dibenarkan**.

5. PANDUAN PENYEDIAAN DAN PENGGUNAAN RUANG SOLAT MUSAFIR

- 5.1 Pihak Masjid / Surau hendaklah menyediakan ruang solat musafir khusus yang bertanda di kawasan balai lintang atau di ruang tertentu Masjid / Surau untuk kemudahan para pekerja e-hailing seperti Food Panda, Grab Food dan yang seumpamanya;
- 5.2 Pihak Masjid / Surau hendaklah menyediakan sudut info di ruang solat musafir untuk pematuhan garis panduan sedia ada seperti penjarakan fizikal, larangan berkumpul dan lain-lain;
- 5.3 Pihak Masjid / Surau hendaklah menyediakan buku atau aplikasi MySejahtera dan rekod ini hendaklah mengandungi maklumat seperti nama, alamat dan nombor telefon;
- 5.4 Pihak Masjid / Surau hendaklah tidak meletakkan sejada / telekung di ruang solat musafir dan pengguna ruang solat musafir hendaklah **membawa sendiri sejada bersaiz besar / telekung**;
- 5.5 Ruang solat musafir hendaklah sentiasa dipantau dan disanitasi; dan
- 5.6 Penggunaan ruang solat musafir hanya **dibuka selama 1 jam selepas masuk waktu solat fardhu.**

6. PELAKSANAAN AKTIVITI MASJID SELAIN IBADAH SOLAT

- 6.1 Semua aktiviti pengimaranan dan aktiviti sosial seperti aktiviti ceramah, kelas pengajian, majlis akad nikah, bacaan yasin, tahlil dan program gotong royong yang dijalankan secara bersemuka **hendaklah ditangguhkan sehingga tamat tempoh Perintah Kawalan Pergerakan (PKP) 3.0 (Penutupan Penuh Sektor Sosial dan Ekonomi) Fasa 1;**
- 6.2 Hanya aktiviti ceramah dan kuliah pengajian secara atas talian (*online*) sahaja dibenarkan;
- 6.3 Semua mesyuarat hendaklah ditangguhkan; dan
- 6.4 Aktiviti ziarah kubur **ditangguhkan** buat sementara waktu.

7. PEMATUHAN STANDARD OPERATING PROCEDURE (SOP) YANG DIPERKETATKAN

- 7.1 Kaunter pemeriksaan suhu bagi setiap jemaah adalah **diwajibkan** bagi memastikan hanya yang sihat sahaja dibenarkan hadir dan **diwajibkan** juga memakai pelitup hidung dan mulut (*face mask*);

- 7.2 Jemaah yang hadir hendaklah tidak mempunyai sebarang gejala Covid-19 seperti demam, batuk, sakit tekak, sesak nafas, selsema, berpenyakit kronik atau yang seumpamanya dan suhu badan tidak melebihi **37.5° C**;
- 7.3 Jemaah yang mempunyai hubungan dengan kontak rapat positif Covid-19 atau dalam tempoh kuarantin yang diarahkan oleh Kementerian Kesihatan Malaysia adalah **tidak dibenarkan** hadir ke Masjid / Surau;
- 7.4 Jika ada jemaah yang disyaki atau disahkan positif Covid-19, Masjid / Surau tersebut hendaklah melakukan proses sanitasi penuh dan jemaah lain yang hadir pada hari berkenaan perlu melakukan saringan mengikut prosedur Kementerian Kesihatan Malaysia. **Tindakan penutupan Masjid perlulah dirujuk terlebih dahulu kepada Pejabat Agama Daerah berkenaan;**
- 7.5 Pihak Masjid / Surau **diwajibkan mendaftar dengan aplikasi MySejahtera.** Rekod kehadiran jemaah sangat digalakkan menggunakan aplikasi MySejahtera. Walaubagaimanapun di dalam keadaan tertentu buku kehadiran masih boleh digunakan bagi tujuan rujukan jika perlu;
- 7.6 Pihak Masjid / Surau **hendaklah menyediakan cecair pembasmi kuman (*hand sanitizer*)** yang mematuhi standard Kementerian Kesihatan Malaysia (KKM);

- 7.7 Semua ahli jemaah yang hadir hendaklah **mengambil wuduk** sebelum hadir ke Masjid / Surau dan **membawa sejadah bersaiz besar sahaja**. Penggunaan air kolah tidak dibenarkan sama sekali kecuali pili air ketika wuduk terbatal;
- 7.8 **Cara masuk dan keluar Masjid / Surau mesti mengikut giliran dengan beratur serta menjaga penjarakan fizikal yang terkawal;**
- 7.9 Tidak bersalaman sepanjang berada di Masjid / Surau. Para jemaah hendaklah terus pulang dan tidak berkumpul di luar setelah selesai solat;
- 7.10 Tidak berlaku pergerakan yang sangat aktif di dalam Masjid / Surau kecuali di ruang dan pada kedudukan yang ditetapkan sahaja;
- 7.11 Tiada aktiviti perkumpulan dibenarkan selepas selesai solat sama ada di dalam atau di luar Masjid / Surau;
- 7.12 Jemaah bersurai dalam keadaan tenang melalui pintu keluar yang ditetapkan sambil mematuhi penjarakan fizikal;
- 7.13 Pegawai yang bertugas hendaklah melaksanakan rondaan dan pemeriksaan di dalam, di luar dan sekitar perkarangan Masjid / Surau untuk memastikan jemaah terus pulang; dan

7.14 Melakukan sanitasi ruang solat dan kawasan sekitarnya termasuk tandas dan ruang wuduk sebelum dan selepas aktiviti Masjid / Surau dilaksanakan.

8. PANDUAN AM

- 8.1 Berdasarkan tinjauan jabatan ke atas beberapa Masjid / Surau, jelas berlaku pelanggaran pematuhan *Standard Operating Procedure (SOP)*. Di antara kesalahan yang dilakukan termasuk:
- a) Jemaah membawa sejadah bersaiz kecil
 - b) Pihak Masjid / Surau gagal memastikan pengimbas suhu berfungsi dengan baik
 - c) Tidak menyediakan hand sanitizer
 - d) Tidak mematuhi penjarakan fizikal
 - e) Tidak menyediakan buku daftar dan QR Kod MySejahtera

Sehubungan itu, Pegawai Jabatan Hal Ehwal Agama Islam Pulau Pinang, pihak Polis Diraja Malaysia (PDRM), Kementerian Kesihatan Malaysia (KKM) dan RELA akan terus bertanggungjawab melaksanakan aktiviti pemantauan terhadap pematuhan Garis Panduan ini;

- 8.2 Pihak jabatan ini **tidak bertanggungjawab** sekiranya terdapat ahli kariah yang diambil tindakan undang-undang akibat perlanggaran arahan pekeliling yang telah dikeluarkan; dan
- 8.3 Semua ahli kariah hendaklah dimaklumkan dengan seberapa segera tentang Garis Panduan yang berkuatkuasa ini melalui apa-apa sahaja medium hebahan yang bersesuaian.

9. PENGUATKUASAAN

- 9.1 Garis Panduan ini adalah berkuatkuasa mulai **1 Jun 2021 (Selasa) bersamaan 20 Syawal 1442H** sehingga arahan baru dikeluarkan oleh jabatan tertakluk kepada perubahan arahan oleh pihak Kerajaan dari semasa ke semasa atau sehingga satu tempoh diisyiharkan keadaan kembali selamat oleh pihak Kerajaan Malaysia; dan
- 9.2 Sebarang pindaan garis panduan ini akan dikaji dari semasa ke semasa atas nasihat Kementerian Kesihatan Malaysia (KKM) dan Majlis Keselamatan Negara (MKN).

Pengarah
Jabatan Hal Ehwal Agama Islam Negeri Pulau Pinang

31 Mei 2021M
19 Syawal 1442H



Lampiran B

Irsyad Hukum

PANDUAN AZAN UNTUK PELAKSANAAN SOLAT JUMAAT DI MASJID / SURAU JUMAAT SEMASA TEMPOH PERINTAH KAWALAN PERGERAKAN BERSYARAT (PKPB)

Sehubungan dengan kebenaran solat Jumaat di Masjid dan Surau Jumaat dalam Negeri Pulau Pinang dalam tempoh Perintah Kawalan Pergerakan Bersyarat (PKPB) bermula 29 Ramadan 1441H bersamaan 22 Mei 2020, Jabatan ini menyarankan azan yang dilaungkan untuk pelaksanaan solat Jumaat hendaklah dilaksanakan sebagaimana berikut;

1. Azan pertama apabila masuknya waktu zuhur dilaungkan dengan menggunakan pembesar suara luar dengan lafaz gantian seruan *hai'alatain* (حَيْ عَلَى الصَّلَاةِ، حَيْ عَلَى الْفَلَاجِ) seperti berikut;

الله أكْبَرُ، الله أكْبَرُ، الله أكْبَرُ، الله أكْبَرُ
أشهُدُ أَنْ لَا إِلَهَ إِلَّا اللَّهُ، أَشهُدُ أَنْ لَا إِلَهَ إِلَّا اللَّهُ،
أَشهُدُ أَنْ مُحَمَّداً رَسُولَ اللَّهِ، أَشهُدُ أَنْ مُحَمَّداً رَسُولَ اللَّهِ،
صَلُوْا فِي بَيْتِكُمْ، صَلُوْا فِي بَيْتِكُمْ،
الله أكْبَرُ، الله أكْبَرُ، لَا إِلَهَ إِلَّا اللَّهُ

2. Manakala untuk azan kedua apabila khatib telah berada di atas mimbar, laungan azan dilakukan dengan menggunakan pembesar suara dalam sahaja dengan lafaz azan seperti biasa, iaitu;

الله أكْبَرُ، الله أكْبَرُ، الله أكْبَرُ، الله أكْبَرُ
أشهُدُ أَنْ لَا إِلَهَ إِلَّا اللَّهُ، أَشهُدُ أَنْ لَا إِلَهَ إِلَّا اللَّهُ،
أَشهُدُ أَنْ مُحَمَّداً رَسُولَ اللَّهِ، أَشهُدُ أَنْ مُحَمَّداً رَسُولَ اللَّهِ،
حَيْ عَلَى الصَّلَاةِ، حَيْ عَلَى الصَّلَاةِ،
حَيْ عَلَى الْفَلَاجِ، حَيْ عَلَى الْفَلَاجِ،
الله أكْبَرُ، الله أكْبَرُ، لَا إِلَهَ إِلَّا اللَّهُ

3. Sehubungan dengan itu juga, penyampaian khutbah dan bacaan imam ketika pelaksanaan solat Jumaat hendaklah menggunakan pembesar suara dalam sahaja.

Diterbitkan oleh:

Jabatan Mufti Negeri Pulau Pinang

19 Mei 2020 / 26 Ramadan 1441